

ENVIRONMENT REEN FANIUW SESSOAN KA FANIUWARH

E townap mesemesaen maan me waniwan ka re gaen no woan eew me eew faniuw kaan. Eew taeppen mini kaan nge e iyaeg noa environment e epwe menaw e. Aemmetefan ina, efoarh waniwan nge e pwe menaw rhag me neyin waniwan, nge iig ina re pwe menaw rhag me neset.

Environments reen faniuw ina si gaen iura pwe wenifaniuw. E gaen voor waniwan me menaai e. Environment ka e aerepa me e no faen rhaan ina si gaen iura pwe pwiuneoy pwur. Taeppen pweon ken kaan ina e gaen voor rhaan e, iwe me pwiuneoy ka voor saet e, taeppen woorh.


Aere e pwe itto pwe si soapw aemwena environments kaan me reen mini ka faniuwarh, nge aemweoi waniwan me maan e pwe soar noa nenier nge re pwe moa noa.




1 WANIWANIUN WENI ANIUT ina waniwan ka e no woan faniuw mwittik ka aermas re se gaen nemaei no woan. E menaw rheoi fetan nge e igin fas pongpong, iwe nge e no pwe nenyen waniwan me maan.




2 NEMAN ina pwiuneoy ka oaron aepinoamw, pwiuneoy ka aermas re gaen menaai me foat fetaen waniwan e. Pwiuneoy kaan ina e townap waniwan gach uwaan me pwan ika e voor ipitan.




3 FOATOSOAN ina re no pwiuneoy ka e sessoan me weni faniuw. Feorieer re mweoiwe kewe. Nge e gaen voor rhaan e nge e no pwe nenien foaton pwuna.




4 WENIPPIY ina pwiuneoy ka e soanopiyepiy, ssiyaen saet me faniuw. E townap man aeniaen, me gaonuuf, me mesemesaen roagumw, iwe me man ka pwan aemweoi ikka re gaen no e, faen niurium niu me waniwan ka pwan aemweoi.




5 ANIUT ka e soar aermesaen woan ina e gach reen nenien aar soagun woong me man aeniaen kaan. Re soapw mwenen menaw iir man kaan aere iga e soapw voor nenien aar soagun.




6 NOAMW ina saete faniuw me woorh re tepwaeniaeniy. Ina pwiuneoy e, e townap mesemesaen manniu neset e re gaen no e. Townpaen anarh mwongoon neset nge e itto me reen noamw ka arh.



7 PEIGIN NOAMW NGAENI FANIUW ina peigin noamw ka re pan ngani faniuw nge re mwoan saengi noa. E gaen fitowwu rhag woorh nge e townap ppweon me ppiy e. Townpaen maan re agachiuw pwiuneoy ka e maniuweniuw.



8 MWIUTOG ina e weey eew mwittikinen rhugun faen inoan nge re supw to me reen ppiyaen faen inoan. Mini ka rhipwerhipwen wenipeigin ina re no pwe nenieer towunepaan manniu neset



9 NIUGIUN OAWUNONG ina peigin worh ka e piung noa me e. E pagitiw mesaen worhan nge e ina iyaenin me nemetaw. Nenien iig farigikkit me mesemesaen woorh.

